



Jeffrey C. Riley  
Kumisáriu

# Dipartamentu di Ensinu Báziku y Sikundáriu di Massachusetts

75 Pleasant Street, Malden, Massachusetts 02148-4906

Tilifóni: (781) 338-3000

TTY: N.E.T. Relay 1-800-439-2370

Seténbru di 2023

Karu Pais y Tutoris di Alunus di Turma di 2025 (finalistas di liseu):

Rizultadus di téstis di MCAS di désimu anu di primavéra di 2023 di bu fidju sta aneksadu. Priméru pájina di kel rilatóriu ta fornese un tabela ki ta mostra rizultadus di bu fidju na avaliason na língua y literatura inglêš, matemátika ku siénsia y teknolojia/enjenharia. Rizultadus é inportanti pamódi konsigi un Ditirminason di Konpeténsia (CD) é un rikizitu pa tirmina skóla. Paralén di CD, alunus ten ki kunpri tudu rikizitus lokal pa tirmina skóla pa es ten un diplóma di liseu.

Na **língua y literatura inglêš (ELA)** y **matimátika**, ten três rizultadu pusível pa tésti di bu fidju. Bu fidju pode dja:

- o kunpri rikizitus di MCAS pa tirmina skóla na un ô tudu dôš disiplina ku un nóta di 472 ô más na ELA y 486 ô más na matemátika.
- o konsigi un nóta entri 455 y 471 na ELA ô entri 469 y 485 na matemátika, mas meste konpleta un Planu di Profisiénsia Idukasional ([www.doe.mass.edu/assessment/epp](http://www.doe.mass.edu/assessment/epp)) na es ária temátiku pa el pode tirmina skóla. Kada EPP ta inklui un rivizon di pontus fórti y pontus fraku di bu fidju, kes disiplinas ki es ten ki studa y konpléta na désimu priméru ku désimu sugundu anu, y un diskrison di avaliasons ki skóla ta ba faze pa ditirmina si bu fidju sta na kaminhu pa profisiénsia.
- o ka kunpri rikizitus di MCAS pa tirmina skóla y, na es kazu, bu fidju pode torna faze tésti (monti bês, si mestedu) pa pode kunpri rikizitus. Kes priméru oportunitadi di tésti di rikursu sta ajendadu pa 8 y 9 di novénbru di 2023 pa ELA, y 14 ku 15 di novénbru di 2023 pa matemátika.

Na **siénsia y teknolojia/enjenharia (STE)**, alunus di turma di 2025 ta kunpri rikizitus di MCAS pa tirmina skóla ô através di faze tésti di biolojia ô introduson na fízika, ô si dja es faze verson antigu di tésti di kímika ô di teknolojia/enjenharia. Di favor, toma nóta ma téstis di kímika ku di teknolojia/enjenharia di junhu di 2023 foi kes últimu ki fazedu.

Na rilatóriu ki sta aneksadu, ten dôš rizultadu pusível pa tésti di STE di bu fidju. Bu fidju pode dja:

- o kunpri rikizitus di STE pa tirmina skóla, di un di kes dôš manera-li:
  - o ten un nóta di 220 (*Meste midjora*) ô más na kímika ô teknolojia/enjenhariaor; ô
  - o ten un nóta di 467 ô más na biolojia ô un nóta di 470 ô más na introduson na fízika.
- o ka kunpri kes rikizitus y, na es kazu, bu fidju pode torna faze tésti (monti bês, si mestedu) pa pode kunpri rikizitus di MCAS pa tirmina skóla. Priméru oportunitadi pa tésti di rikursu di biolojia y introduson na fízika sta ajendadu pa 6 y 7 di fevereru di 2024.

Pa alunas ki ka kunpri rikizitus di tirmina skóla, ô na língua y literatura inglêš, ô na matemátika, ô na STE, Prosésu di Rikursu di Dizenpenhu di MCAS ta proporsiona otu forma di alunas mostra ma es ten konhesiméntu y kompeténsia nesesáriu pa satisfaze ô ultrapasa nóрма di diterminason di kompeténsia (CD) di stadu. Más informason, inkluindu rikizitus di kualifikason, sta dispunível na [www.doe.mass.edu/mcasappeals](http://www.doe.mass.edu/mcasappeals), ô bu pode kontakta diretor di skóla sikundáriu ô gabineti di orientason.

Nóta di MCAS di bu fidju pode tanbê fazê-l konsigi un kréditu di propinas pa un fakuldadi ô universidadi públiku di Massachusetts. Alunas ki kualifika pa Bolsa di Studu John and Abigail Adams ([www.doe.mass.edu/scholarships/adams](http://www.doe.mass.edu/scholarships/adams)) ta ser notifikadu otomatikamenti duranti ses últimu anu. Alunas ki kualifika pa Sertifikadu di Mestria di Stanley C. Koplík ([www.doe.mass.edu/scholarships/mastery/](http://www.doe.mass.edu/scholarships/mastery/)) debe kandidata duranti ses últimu anu.

Pa alunas ki ka kunpri rikizitus di MCAS pa tirmina skóla, ten más otu oportunidadi dispunível di grasa pa djudâ-s pripara pa futuru, inkluindu prugramas di liseu, prugramas di fakuldadi kumunitáriu y prugramas di trabadju y aprendizaji. Más informason sobri kes perkursu y otus opson pode atxadu na [www.doe.mass.edu/ccte/ccr/hqccp](http://www.doe.mass.edu/ccte/ccr/hqccp).

Si bu ten perguntas sobri rizultadus di bu fidju, di favor, kontakata orientador di bu fidju. Si es ka pode risponde bu pergunta, di favor, kontaktá-nu na [mcas@doe.mass.edu](mailto:mcas@doe.mass.edu) ô 781-338-3625.

Atensiozamenti,

Jeffrey C. Riley  
Kumisáriu di Ensinu Báziku y Sikundáriu di Massachusetts